

MĚŘÍĆ_{ip} (SO)

č. 36

- a) dołhosć něčeho zwěsćić; so z někim wubědźować
- b) něšto dokładnje wotličić
- c) někoho změrować spytać, ale bjez wuspěcha

Prawa je wotmołwa **a**.

Słowo měřić (so) zasadźujemy we wjacorych woznamach:

- *Měřić samo na sebi woznamjenja, dołhosć, šěrokość, wysokosć abo hłubokosć něčeho zwěsćić.*
- *Jeli so z někim měřimy, so wubědźujemy, štó je lepší, spěšniši abo wjace zdokonja.*
- *Měřić so na někoho zaso rěka, zo so na někoho wusměřimy, k někomu džemy, so jemu bližimy.*
- *Měřić so přećiwo něčemu abo někomu woznamjenja, zo so přećiwo někomu abo něčemu wusměřimy.*

Takle móžeš to tež prajć

w zmysle „dołhosć, šěrokość atd. zwěsćić“:

něšto wuměrić_p, něšto wotměrić_p

w zmysle „što je lepší / spěšniši atd.“:

so z někim wubědźować_{ip}, so z někim runać_{ip}, z někim napřemo běžeć_{ip} / płuwać_{ip} / jěć_{ip}

Připódla prajene

Wuraz „dróhu měrić“ so tež wužiwa, hdyž něchtó (po cyłej swojej dołhosći na nós) padnje.

Přikłady z rěčneho korpusa:

Mój wuj běše šewc, a wjele ludźi měješe k njemu wulku dowěru, a tež ja, wosebje tehdom, hdyž mi nowe škórnje *měrješe*. (Mikławš Bjedrich-Radlubin, I. Plista. W Budyšinje 1914)

Někajka postawa, njekrasne šerjenje, *so na nas měrješe*, šmórny so nas tak mjechko, kaž to jenož šerjenja móžeja, a zhubi so w žabjacobokowej komorce na druhim boku. (Jurij Brězan, Rokotowy kerk. Budyšin 2002)

Najprjedy džěło, potom wokřewjenje, mysleše Juliana a *měrješe so* runu smuhu *na bibliotekarku* zady tejki. (Lubina Hajduk-Veljkowićowa, Juliana. Budyšin 2007)



Snano běchu na tym lochke třasenja lěta dła wina, kotrež krótko před startom *swoje mocy měrješe*. (Jurij Koch, Nawrót sonow. Budyšin 1983)

Akcija *měrješe so přećiw*o energijowej politice koncerna Vattenfall a braniborskemu knježerstwu. (Serbske Nowiny 2008, oktober-december)